

ԳԻՐ ՕՐՀՆՈՒԹԵԱՆ
ՏԻՔՐՈՅԹԻ Ս. ՅՈՎԻԱՆՆԷՍ ՄԿՐՏԻՁ ԵՎ ԵՆՆԵՆԻՍ
ՏԻԿՆԱՆՑ ՄԻՈՒԹԵԱՆ

ՏիՔրոյթի Սուրբ Յովաննէս Մկրտիչ Հայց. Եկեղեցւոյ Տիկնանց Միութեան յիսնամեակի այս տօնախմբութեան առիթով, ըստ պատշաճութեան, պիտի ոգեկոչուին անձեր, որոնք հիմնեցին միութիւնը, եւ պիտի յիշատակուին գործեր, որոնք սատարեցին ընդարձակ համայնքի ընդհանուր գործունէութեան եւ քարգաւառումին:

Ինչպէս ամէն տեղ, ՏիՔրոյթի Հայ կանայք եւս իրենց մայրական եւ քրոջական սէրն ու զուրթ միախառնեցին, համախորհուրդ եւ համաշունչ կատարեցին իրենց սասնձնած փարտականութիւնները, առաւելագոյն շափով արդիւնաւորելու համար գեղեցիկ առջադրութիւններ: Ծառայեցին անոնք ոչ միայն իրենց համոյքին եւ հոգեկան զոհաւնակութեան, այլ Աստուծոյ փառքին եւ մեր սուրբ եկեղեցւոյ պայծառութեան համար: Այսպէսով առաւել զօրացան իրենց հաւատքին մէջ, ժրջանութեամբ ու նուիրումով գործեցին, զոհարեցին, ուրախութիւն պատճառելով եւ բարի օրինակ հանդիսանալով ժամանակակից եւ յաջորդող սերունդներուն:

Հրճուեցան ի տես այն սքանչելի իրագործումներուն, որոնց շնորհիւ մեծաբայլ յառաջդիմութիւններ կարողացաւ արձանագրել ՏիՔրոյթի մեր եկեղեցին, որ այժմ ունի ամէն յարմարութիւն՝ հասնելու համար շրջանի բոլոր կարիքներուն, զոհացում աւելով ժողովուրդի արդար ակնկալութիւններուն: Ասիկա ինքնին սփոփանք կրնայ պատճառել տեղւոյն մեր հասարակութեան:

Մեր թեմի բոլոր եկեղեցական կազմակերպութիւններու կարգին, ՏիՔրոյթի Տիկնանց Միութեան անդամուհիներէն շատեր, իրենց երկար ասրիներու նախանձախնդիր ու կորովի գործակատարումով արժանացած են համայնքի մեր գաւակներուն սիրոյն եւ յարգանքին:

Մեր ջերմ մաղթանքն է որ Տիկնանց Միութիւնը, հաստատուած աւանդութիւնը շարունակելով, աւելի եւս կարենայ խորացնել գործակցութեան ոգին իր անդամուհիներուն մէջ, եւ ջանադիր ըլլայ այն յայտագիրներուն, որոնք կրնան զարկ աւել Ս. Յովաննէս Մկրտիչ եկեղեցւոյ հոգեւոր, կրթական, մշակութային եւ ընկերային կեանքի բեղմնաւորման եւ ծաղկումին:

Կ'օրհնենք Տիկնանց Միութեան վարչականներն ու բոլոր անդամուհիները, եւ իրենց կը մաղթենք հոգիի եւ մարմինի խաղաղութիւն:

Սիրոյ ողջունիւ

ԹՈՐԳՈՄ ԱՐԷԵԳԻՍԿՈՎՈՍ
Առաջնորդ